


**СЎЗ САНЪАТИ
ХАЛҚАРО ЖУРНАЛИ
4 ЖИЛД, 1 СОН**

**МЕЖДУНАРОДНЫЙ ЖУРНАЛ
ИСКУССТВО СЛОВА
ТОМ 4, НОМЕР 1**

**INTERNATIONAL JOURNAL
OF WORD ART
VOLUME 4, ISSUE 1**



ТОШКЕНТ-2021

МУНДАРИЖА \ СОДЕРЖАНИЕ \ CONTENT

Адабиётшунослик

37. Po'latova Sevara Mahmud qizi HOZIRGI O'ZBEK ADABIY ME'YORIDAGI LAKUNALAR (VOBKENT TUMANI MISOLIDA).....	6
38. Давронова Махфузা Исройловна МАВЗУ ВА МАЗМУНДА МУШТАРАКЛИК.....	11
39. Давронова Шоҳсанам Ғайбуллоевна АБДУЛЛА ҚОДИРИЙ АНЬАНАЛАРИ ВА ИСТИҚЛОЛ ДАВРИ ЎЗБЕК РОМАНЧИЛИГИ.....	18
40. Qurbonova Oltinoy Bekmurotovna IBROHIM G'AFUROV – SHE'RSHUNOS.....	26
41. Мусурманов Эркин Раббимович O'ZBEKİSTON HUDUDIDAN XİTOYGA YOYILGAN BUDDAVIYLIK G'OYASI VA MİFOLOGİYA.....	34
42. Рузибаева Нигорахон Рахимовна ЭКСТРАЛИНГВИСТИЧЕСКИЕ ОСОБЕННОСТИ АНТИТЕЗЫ В УЗБЕКСКИХ И АНГЛИЙСКИХ ХУДОЖЕСТВЕННЫХ ТЕКСТАХ.....	40
43. Тўмарис Бутунбаева АЪЗАМ ЎКТАМ ВА МИНҲОЖИДДИН МИРЗО ШЕҶРИЯТИДАГИ ЎХШАТИШЛАР.....	47
44. Хажиева Феруза Мэлсовна ЖЕЙ ПАРИНИ ИЖОДИДА БИОГРАФИК РОМАН КОНЦЕПЦИЯСИ.....	51
45. Zoyirova Go'zal Nematovna SAMANDAR VOHIDOVNING EPIGRAF QO'LLASH MAHORATI.....	60
46. Охунова Гўзалхон Ҳамдамбековна ХИКОЯ ЖАНРИ ТАРАҚҚИЁТИНИНГ ЎЗИГА ХОС ХУСУСИЯТЛАРИ.....	67
Тилшунослик	
47.Bekmurodova Firuzabonu Normurodovna SPECIFIC FEATURES OF CEREMONIES AND THEIR LINGUAPRAGMATIC MEANING IN UZBEK CULTURE (AS AN EXAMPLE OF WEDDING CEREMONIES).....	73
48. Каримов Рустам Абдурасолович ЎЗБЕК-ИНГЛИЗ ПАРАЛЛЕЛ КОРПУСИ МАТНЛАРИНИ ЛИНГВИСТИК ТЕГЛАШ МУАММОЛАРИ.....	81
49. Қурбанов Мухтар Даулетбаевич ҚОРАҚАЛПОҒИСТОН ФИТОЙКОНИМЛАРИНИ ЎРГАНИШНИНГ АҲАМИЯТИ.....	87

СҮЗ САНЬАТИ ХАЛҚАРО ЖУРНАЛИ МЕЖДУНАРОДНЫЙ ЖУРНАЛ ИСКУССТВО СЛОВА INTERNATIONAL JOURNAL OF WORD ART

Хажиева Феруза Мэлсовна,

Бухоро давлат университети, Инглиз адабиёти
ва стилистика кафедраси доценти
e-mail: feruzakhajieva@gmail.com

ЖЕЙ ПАРИНИ ИЖОДИДА БИОГРАФИК РОМАН КОНЦЕПЦИЯСИ



<http://dx.doi.org/10.26739/2181-9297-2021-1-44>

АННОТАЦИЯ

Ушбу мақолада замонавий америка ёзувчиси Жей Парини ижоди хронологик ўрганилган. Ижодкорнинг биографик роман назариясига оид қарашлари, тарихий роман ва биографик роман, тарих ва биографик роман орасидаги тафовутлар, биографик романнинг юксак маънавий ғояларга асосланиши, замонавий биографик романда постмодернистик хусусиятларнинг намоён бўлиши каби масалар илмий жиҳатдан ёритилган. Мақолада, шунингдек, Жей Парини яратмалари соф бадий романлар, биографик романлар, биографиялар, шеърий асарларга таснифланиб, адаб ижодидаги ёрқин намуналар – унинг биографик романлари сюжети талқини берилган. Булар буюк рус ёзувчи Лев Николаевич Толстой, америка ёзувчиси Ҳерман Мелвилл, яхудий файласуф олим Вальтер Бенъямин ҳамда насроний динида машҳур теолог Авлие Паул тўғрисида бўлиб, уларда Жей Парини ноанъянавий нарратологик техникадан фойдаланилганлиги, асарлар полифоник дискурсда баен этганлиги билан ажralиб туриши асосланган. Жей Парини асарларининг ўзига хос услуги, уларда биографик маълумотлар бадий тилда, роман жанрида кўп овозли баён техникасида ифодаланганлиги илмий асосланган.

Таянч сўзлар: бадий роман, биографик роман, биография, шеърий асарлар, полифоник тафаккур, постмодернизм, сюжет.

Хажиева Феруза Мэлсовна,

Бухарский государственный университет,
доцент кафедры английской литературы и стилистики
e-mail: feruzakhajieva@gmail.com

КОНЦЕПЦИЯ БИОГРАФИЧЕСКОГО РОМАНА В ТВОРЧЕСТВЕ ДЖЕЯ ПАРИНИ

АННОТАЦИЯ

В статье хронологически исследуется творчество современного американского писателя Джая Парини. Научно освещены такие проблемы как, авторская концепция относительно теории биографического романа, отличия исторического романа от биографического романа, истории и биографического романа; строение биографического романа на высоких духовных идеях, проявление постмодернистских черт в современном биографическом романе. Также, в статье классифицируются произведения Джая Парини и

разделены на такие жанровые формы как: художественные романы, биографические романы, биографии, стихотворные произведения. Даётся интерпретация сюжетов его биографических романов - ярчайших образцов творчества писателя. В работе исследуются романы о великом русском писателе Льве Николаевиче Толстом, американском писателе Германе Мелвилле, а также о еврейском философе Вальтере Беньямине, христианском теологе Святом Пауле, в которых Джей Парини использует нетрадиционные виды повествовательных приемов в полифоническом дискурсе. Научно обоснован уникальный стиль произведений Джая Парини, в котором биографические сведения выражаются литературным языком, в жанре романа, в технике полифонического повествования.

Ключевые слова: художественный роман, биографический роман, стихотворные произведения, полифоническое мышление, постмодернизм, сюжет.

Khajieva Feruza Melsovna,
Bukhara State University, Docent of the English
literature and stylistics department
e-mail: feruzakhajieva@gmail.com

THE CONCEPT OF A BIOGRAPHIC NOVEL IN THE LITERARY ACTIVITY OF JAY PARINI

ANNOTATION

The article chronologically examines the work of the contemporary American writer Jay Parini. Scientifically highlighted such problems as the author's concept regarding the theory of a biographical novel, the difference between a historical novel and a biographical novel, history and biographical novel; the structure of a biographical novel interpreting high spiritual ideas, the manifestation of postmodern features in a modern biographical novel. Also, the article classifies the works of Jay Parini, which are grouped into such genres as: belles-lettres novels, biographical novels, biographies, poetry. An interpretations of the plots of his biographical novels - the brightest examples of the writer's work are given. The work examines novels about the great Russian writer Leo Nikolaevich Tolstoy and American writer Herman Melville, as well as about the Jewish philosopher Walter Benjamin and Christian theologist Saint Paul, in which Jay Parini uses non-traditional types of narrative techniques in polyphonic discourse. The unique style of Jay Parini's works is scientifically substantiated, in which biographical information is expressed in literary language, in the genre of a novel, in the technique of polyphonic narration.

Key words: belles-lettres novel, biographical novel, poetry, polyphonic thinking, postmodernism, plot.

Бугунги кун жадал ривожланиб бораётган жаҳон адабиётшунослигига биографик жанрдаги асарлар машҳурлашиб, замон талаблари, китобхоннинг фактларга асосланган бадий прозага кучли қизиқиши, реал инсон образининг асар марказига кўйилиб, у яшаган давр билан алокадор воқеаларнинг бадийлаштирилган услубда яратилиши, адабиёт билан биотарихнинг синтезлашуви ҳодисаси кузатилмоқда.

Адабий жараённинг йирик бир занжири бўлиб, таркибий қисми ҳисобланадиган Америка адабиётида ҳам бадий асарларни “биофикциялаштириш” тенденцияси ривожланиб, янги техника ва услубда яратилган қатор асарлар чоп этилмоқда.

Бундай ҳодиса, ўз навбатида, соҳада кўплаб янги изланишларга замин бўлиб, асарлардаги макро мавзувий-гоявий ўзига хосликлардан тортиб, асар тилидаги микро стилистик таҳлил-тадқиқотларга асос бўлмоқда.

Замонавий биофикция услубида ижод қилиб, ўзининг қатор асарлари билан Америка ва жаҳон бадий биографияси хазинасини бойитиб бораётган Жей Паринининг ижоди серкірралиги билан ажralиб туради. Романнавис, шоир, мунаққид ва академик Жей Парининг биографик маълумотлари унинг ҳам олим, ҳам ижодкор қаторига киришини кўрсатади. Жей Парини 1948 йилда АҚШнинг Пенсильвания штатида жойлашган Питтстон

шахрида туғилган. 1970 йилда Лафайет коллежини битирган, 1975 йилда Шотландиянинг машхур Сейнт Эндрюз университетида докторлик даражасини олган. Олим – Жей Парини 1975-1982 йиллар оралиғида Дартмаус коллежида, 1982 йилдан бошлаб Мидлбери коллежида инглиз тили ва бадий ижод фанларидан дарс бериб профессор лавозимида ишлаб келган. Адіб 1993 йилда санъат ва адабиёт соҳасида иқтидори билан ажралиб туралып, АҚШ ва Канада фуқаролари учун таъсис этилган Гүггенхейм стипендияси совриндори бўлган. 1993-1994 йилларда Оксфордда таъсис этилган иқтидорли ижодкорлар ва олимларга бериладиган Фовле Ҳамилтон стипендианти бўлган. 2005-2006 йилларда Лондон университети қошидаги илмий тадқиқот институти ходими сифатида фаолият кўрсатган. Жей Парини дунёнинг бир қанча университет ва колледжларида тан олинган олимлар қаторидан ўрин олган.

Ёзувчи – Жей Парини ижодига назар соладиган бўлсақ, адіб қатор шеърий, биографик ва тарихий асарлари билан оммага танилган. Унинг бир қанча асарлари ўттиздан ортиқ тилларга таржима қилинган, биографик романлари сюжети асосида бадий ва ҳужжатли фильмлар суратга олинган. Унинг яратмаларини соф бадий романлар, биографик романлар, биографиялар, шеърий асарларга таснифлаш мумкин. Жей Парини қатор антология ва энциклопедияларга муҳаррирлик қилган. Шунингдек, у бадий-танқидий асарлар ва эсселар муаллифи бўлиб ҳисобланади.

Жей Парининиг **соф бадий романлари** “The Love Run” (“Сўнган муҳаббат”) (1980), “The Patch Boys” (“Қизиқчи болакайлар”) (1986), “Bay of Arrows” (“Найзалар кўрфази”) (1992), “The Apprentice Lover” (“Шогирдга хайриҳоҳ”) (2002), бўлса, **биографик романлари** куйидагилардан иборат. Буюк рус ёзувчиси ва мутафаккири Лев Толстойга бағишлиланган “The Last Station” (“Сўнгти бекат”) (1990), яхудий файласуф ва мунаққид Вальтер Бенъямин тўғрисидаги “Benjamin’s Crossing” (“Бенъямин йўли”) (1997), буюк америка ёзувчиси Херман Мелвилл ҳақидаги “The Passages of H.M.” (“Херман Мелвилл саргузаштлари”) (2011), Авлие ва руҳоний Паул ҳақидаги “The Damascus Road: A Novel of Saint Paul” (Дамашқ йўли: Авлиё Паул тўғрисидаги роман”) (2019) бўлиб ҳисобланади.

Адіб томонидан яратилган **биографиялар** қаторига америка ёзувчиси Жон Стейнбек тўғрисидаги “John Steinbeck: A biography” (“Жон Стейнбек: Биография”) (1996), америкалик шоир Роберт Фрост тўғрисидаги “Robert Frost: A Life” (“Роберт Фрост Ҳаёти”) (2000), америка ёзувчиси Вильям Фолкнерга бағишлиланган “One Matchless Time: A Life of William Faulkner” (“Беназир давр: Вильям Фолкнер ҳаёти”) (2005), Исо пайғамбар тўғрисидаги “Jesus: The Human Face of God” (“Исо: Инсон қиёфасиаги Худо”) (2013), америкалик ёзувчи ва драматург Гор Видал ҳақидаги “Empire of Self: A Life of Gore Vidal” (2015), аргентиналик ёзувчи Хорхе Луис Борхес тўғрисидаги “Borges and Me: An Encounter” (“Борхес ва мен: Учрашув”) (2020) – мемуар асар – кабилар киради.

Жей Паринининг **шеърий асарлари** ҳам нашрдан чиқиб, омма томонидан ижобий қабул қилинган. “Singing in Time” (“Давр қўшиғи”) (1972), “Anthracite Country” (“Антрацит мамлакати”) (1982), “Town Life” (“Шаҳар ҳаёти”) (1988), “House of Days” (“Кунлар хонадони”) (1998), “The Art of Subtraction: New and Selected Poems” (Бегоналашиб санъати: Янги ва танланган шеърлар) (2005), “New and Collected Poems 1975 – 2015” (Янги ва танланган шеърлар 1975-2015) (2016) каби шеърий тўпламлари чоп этилган.

Хронологик таҳлили ва кузатишлардан кўриниб турибдики, Жей Парини бугунги кунда ҳам ижод этишдан тўхтамаган, турли жанрларда асарлар яратиб келаётган ижодкорлар қаторига киради. Унинг ўзига хос ижод услуби турли олимлар томонидан эътироф этилган. Бугунги кунда Америка Кўшма Штатлари Миннесота университетида америка адабиётида биофикция соҳасида кенг миқёсли тадқиқот олиб бораётган Майкл Леки адіб ижодига куйидагича баҳо беради. “Within an American context, Parini has probably done more to advance the contemporary biographical novel than any other scholar or writer. Parini has published poetry, biographies, novels, cultural criticism, scholarly essays, and, most importantly, biographical novels.”[1, 20-21] (Таржимаси: “Америка контексти миқёсида, Парини замонавий биографик роман жанрини олдинга суриш учун, ҳар қандай бошқа олим еки

ёзувчи амалга оширган ишдан кўра кўпрогини амалга оширган. Парини шеърий асарлар, биографиялар, романлар, маданий танқидчилик, илмий эсселар нашр эттирган бўлсада, унинг энг муҳим асарлари биографик романлариридир)", – дея Майкл Лэки Парини яратган биографик романларига юксак баҳо беради.

Майкл Лэки тадқиқотлари натижасида қатор биографик роман жанрида ижод олиб бораётган ёзувчилар билан сұхбатларни ўзининг соҳадаги долзарб китоби[2]ни ҳам яратган. Ушбу асарда замонавий америка адабиётида ижод қилиб келаётган ўн олти нафар ёзувчилар билан сұхбатлар ёритилган. Асарнинг қиймати шундан иборатки, унда реалистик, модерн, постмодерн каби оқимлар услубида яратилаётган биографик романларнинг яратилиш тарихи, мавзуу ва ғоялар кўлами, тарихий ва биографик асарлар орасидаги фарқ, биографик роман табиити, асарларни яратиш жараённида ижодий эркинлик ва фактографик тобеълик, тадқиқот ва изланишлар натижасида биографик романнинг яратилиши каби масалалар аутентик сұхбатлар жараённида ўз ечимини топган. Модернистик, постмодернистик услубда ижод қилиб келаётган қатор ёзувчилар биографик роман жанрига оид қарашларини, бундай асарларнинг оммалашиш омилларини, тарихий прототип ва асардаги қаҳрамон ҳаёти ва ижоди концепциясини ўрганишга қаратилган масалалар тўғрисида ўз тажрибаларидан келиб чикиб фикр-мулоҳазалар билдиришган.

Китобда Жей Парини билан сұхбат ҳам ёритилган бўлиб, унда ёзувчининг жанрга оид концепцияси ўз аксини топган. Қуйидаги тўрт банддан иборат кузатишлар натижасида ижодкорнинг бу соҳадаги фикр-мулоҳазаларини келтириш мумкин.

1. Жей Парини биографик роман ва тарихий романни бир-биридан фарқлаб, тўқима образларлар ёрдамида умумий панорамани баён этувчи, тарихий асарларни учинчи даражали, арzon романлар (dime store novels) қаторига киритади. Биографик романларни эса, ҳақиқий тарихий шахс ёки шахслар атрофида курилгани, улардаги характерлар фактларга асосланган даврни ёритиб бергани, тарихнинг қоронғу бурчакларига ёруғлик киритгани учун биографик асарларни бошқача – юқорироқ деб баҳолайди [2, 206]. Парини тарихий романни биографик асарларнинг генетик асоси деб ҳисоблайди. Тарихий фон биографик романда хронотоп вазифасида келишига ишора қиласи.

2. Жей Парини биографик роман ва тарих орасидаги тафовутни ёритар экан, ўтмишни “ҳалокатдан сўнг оёқлар остида ўралашадиган уйум”га ўхшатади. “Мана шу ҳалокатдан сўнг бизнинг вазифамиз “ҳақиқат” категориясига мос келадиган бирор нарсани қидириб топишдан иборат, – деб айтади, – Аниқки, биографик романнавис профессионал тарихчидек ҳақиқатни қазиб чиқаришга уринмайди, шундай бўлсада, биз ҳам кўп ҳолларда улар каби хужжатлар, интервью ва бошка материаллар билан иш кўрамиз. Шунга қарамасдан, биз ҳақиқатни тасаввур этишга уринамиз.” [2, 206] Жей Паринининг бу қараши остида, биографик роман яратишида биограф тасаввuri ҳам катта роль ўйнайди хулюсага келиш мумкин. Чунки биограф ҳақиқатда нима содир бўлганлиги, еки содир бўлган бўлиши мумкинлигини айрим ҳолларда ижодий тасаввурга таяниб, “ҳақиқат”ни қайта яратишига уриниши, хужжатлар еки кундаликларда ёзиб қолдирилган маълумотларнинг тагмаъносини, импликациясини реципиентга етказиши керак бўлади. Биограф тасавvuридаги, талқинидаги ҳақиқат орқали бадиий образ ҳаётидаги майда деталларини, воқеаларни қайта яратиш имконни беради.

3. Жей Паринининг биографик романга оид концепциясида ўрин олган кейинги қараш бу – биографик асарларда маънавий ва диний қарашлар тарихий ҳақиқат билан ҳамоҳанг тарзда акс эттирилиши керак деган фикр туради. Адабнинг фикрича, агар куруқ фактлар маънавиятга асосланган бўлса, уларда мазмун-моҳият пайдо бўлади, тарих саҳифалари ойдинлашади. Парини таъкидлашича, “тарихчилар ҳақиқатни фақатгина фактларга боғлаб, унинг моҳиятини тушириб юборадилар, ваҳоланки, маънавий, диний ҳақиқат бугунги кунда барҳаёт, инсонларнинг маънавияга мойиллигини кунлик ҳаётда кўриш қийин эмас.”[2, 210] Дарҳақиқат, биографик романда, худди бошқа бадиий шаклда кузатилгани каби маънавий қарашлар жуда юқори ўринда бўлиб, асарлар негизини, ядросини ташкил этувчи куч бўлиб ҳисобланади. Чунки тарихий шахсни юксаклиги унинг маънавий,

диний оламининг оддий оммага таъсири бўлганлигига намоён бўлади. Аслида, маънавий ҳақиқат прототип буюклигига омил бўлган.

4. Жей Парини замонавий америка адабиётида постмодернизм хусусиятлари тўғрисида тўхтадар экан, биографик роман ва постмодернизм назарияси бир бирига чамбарчас боғлиқ деб айтади. Улардаги боғлиқлик ҳақиқатни қайта яратишга қаратилганлигига, деб таъкидлайди. Парини нуқтаи назарига кўра ҳақиқатга қайси ракурсдан қарасангиз ўша жиҳати билан ҳақиқат бўлиб қолади. Агар сиз бир масалага диний нуқтаи назардан қарасангиз ўша томонлама ҳақиқатни кўра оласиз, дунёвий нуқтаи назардан нигоҳ солсангиз дунёвий жиҳатдан ҳақиқатга айланади. Паринининг фикрича, инсон қайси кўз билан қараса, ўшани кўра олади. Метафорик тилда ушбу фикр “камерага бириктирилган линзага ўхшайди, – деб айтади, – қандай ранг ва қайси предметга камеранинг линзаси қаратилган бўлса, ўша нуқтаи назарни реципиент кўришга интилади”[2, 207-215]. Демак, Парини бугунги кун америка адабиётида биографик роман жанрига хос жиҳат бу – унинг фикр ва ғояларнинг қандай қабул қилинишида, деган фикрни илгари суради. Ёзувчи ҳар бир инсон ўз тафаккуридан келиб чиқиб, биографик асарда қўйилган масалани қабул қиласди ва унга ўз муносабатини ифодалайди, деган мушоҳада юритади. Дарҳақиқат, постмодернизмга хос бу жиҳат асарларда кўпфикрилилк ва рангба-ранг мавзуларни, турли структур бирликларни яратилишига сабаб бўлмоқда.

Юқорида тадқиқ этилган Жей Паринининг биографик роман жанрига оид концепциянинг умумий жиҳати сифатида шуни айтиш мумкинки, ижодкор замонавий америка адабиётида биографик роман фактлар асосида қурилган бадиий ижод намунаси экан. Романларда бадиий тўқима ва маънавий дунёқараш турли усулда китобхонга етказилиши мумкин, улардаги мавзу, гоя, маънавий информация китобхон талқинига боғлиқ экан. Муаллиф монологик дунекараши четга суриб, полифоник тафаккур орқали турли фикрлар жамланмасини реципиент ҳукмига ҳавола қилиши бугунги кун романнавислиги моҳиятини ташкил қиласди.

Америка адабиёти намояндаси, биографик роман жанрида ижод этиб келаетган Жей Паринининг адабий оламининг тажрижий таҳлили, ижодкорнинг биографик роман жанрига оид назарий қарашларини ўрганиш натижасида шуни таъкидлаш мумкинки, ёзувчи яратган кўпгина биографик жанрга мансуб. Уларнинг юксак бадиий маҳорати, услубий ўзига хослиги, тарихий ва бадиий тўқиманинг ҳамоҳанг мувозанатда синтезлашуви ҳодисаси ушбу асарларнинг замонавий америка адабиётидан мустаҳкам ўрин олиб бораётганини кўрсатади. Парини ижодида ёрқин намуналар – унинг биографик романларидир. Булар буюк ёзувчи Лев Николаевич Толстой ҳамда Ҳерман Мелвилл, шунингдек, файласуф олим Вальтер Бенъямин, Авлие Паул тўғрисида бўлиб, уларда Жей Парини ноанъянавий нарратологик техникадан фойдаланиб, полифоник дискурсда баен этганлиги билан ажralиб туради.

Жей Паринининг “The Last Station”, “Benjamin’s Crossing”, “The Passages of H.M.”, “The Damascus Road: A Novel of Saint Paul” каби асарлари сюжети ва уларда ёритилган мавзуни кузатадиган бўлсак, асарларда америка адабиётига хос демократик дунекарааш, танкидий фикрлаш, шахс эркинлиги, гарбга хос менталитет ва прагматика, ошкора дунёқараш каби хасусиятларни яққол кузатиш мумкин. Асарларда мавзулар ва нуқтаи назарлар кўлами кенг ҳамда ҳар бир персонаж ўзига хос олам эгаси эканлигини таъкидлаш мумкин.

Ёзувчининг 1990 йилда чоп эттирган буюк рус ёзувчиси Лев Толстойга бағишлиган “The Last Station” (“Сўнгги бекат”) дастлабки биографик романни сюжет изчиллиги, ноанъянавий баён услуби, персонажлар серкирра табиатидаги чизгилар бойлиги билан ўзига хос бўлиб, ажralиб туради.

Унда Толстой ҳаётининг сўнгти йили бадиийлаштирилган бўлиб, асрда саккиз персонаж ўз нуқтаи назарида Лев Николаевич ҳаёти билан боғлиқ воқеалар баён этилган.

Асар сюжетига эътибор қаратадиган бўлсак, у ретроспекция ва қисқа эпизодлардан хаотик ташкил топган ўтимчак тўрга ўхшайди. Романда ҳар бир қаҳрамон Толстой билан боғлиқ воқеани баен этади. Структур жиҳатдан таҳлил қилинадиган бўлса, асарда етти

хикоячи ўз хикоясини кирк икки бобда гапириб берган. Асарда қўлланилган бундай баён ҳақида муаллиф қўйидаги изоҳ беради. “Аналогик жиҳатдан олиб қараганда ушбу техника кубизм ғояларига ўхшаб кетади. Пикассо кубизмни предмет атрофидаги раксга ўхшатган. Объект ким бўлишига қарамасдан, Толстойми, Вальтер Бенъяминми, Ҳерман Мелвиллми, мен кўплаб овозларни ўша объект атрофида қўллаб, ҳақиқатни рўёбга чиқаришга, агар “чукурликлар” (номаълум, унтилган лаҳзалар – Ф.Х.) бўлса уларни тўлдириш учун ҳақиқатни яратига харакат қиласан”.

Жей Парини асарни ҳаётининг сўнгги ойларида Толстойнинг котиби вазифасини бажарган Валентин Булгаковнинг кундалигидан илҳомланиб ёзган ва иложи борича Парини тўғридан-тўғри котиб ёзувларидан иқтибос келтирган. Шунингдек, Лев Толстой ҳақида ёзма манбалардан, унинг рафиқаси ва болалари билан сұхбатлари, дўстлари ва шогирдлари қолдирган тавсифлардан ҳам ўринли фойдаланган.

Толстойнинг сўнгги кунлари “хайқирикли” тугашини баен этувчи романда Софья Андреевна ва Толстой издошлари ўртасидаги васиятнома устидаги кескин кураш, ўн уч фарзанди ва камтарона ҳаёт тарзини юритувчи издошлари орасида катта бойлигини қолдириш дилеммасидан қийналаетган езувчи яшаб юрган уйини драматик тарқ этиши, кичик станцияда касалликдан вафот этиши, юзлаб мұхбирлар унинг ўлимини хабарларда акс эттириш учун тўпланишганларини ва Толстой оиласида қайғули кунларнинг ўтиши каби воқеалар силсиласи тасвиранган.

Парини қаламига мансуб “Benjamin’s Crossing” (“Бенъямин йўли”) биографик роман XX Европа дунесида таниқли зиёлилиар қаторига кирган яхудий илдизларга эга немис танқидчи ва файласуфи Вальтер Бенъямин ҳаётини бадиий тасвиrlовчи асар. Жей Парини Вальтер Бенъямин ҳаётининг сўнгги даҳшатга тўла, трагик ойларини асар сатрларида кузатиб боради. Парини асарда 1940 йилда фашистлар боскини пайтида Вальтер Бенъяминнинг холокостдан (холокост – фашистлар Германияси мавжуд бўлган даврда фашистлар томонидан турли хил этник ва ижтимоий гурухлар вакилларининг таъқиб қилиниши ва оммавий қирғин қилиниши) Париждан Периней тоғ тизмалари орқали Испанияга қочиши ҳиссиётга тўла лирик ғоялар билан суғорилган, трагикомик ҳатти-ҳаракатларга бой сюжет орқали баен этилган. Шунингдек, асарда холокостнинг энг таъсирчан периферик эпизодларидан бири – саҳналаштирадиган севги ҳикояси ҳам ўрин олган. Асар сарлавҳаси тўғрисида тўхталиб ўтадиган бўлсан, “Benjamin’s Crossing” калька таржима қилинганда “Бенъяминнинг кесиб ўтиши”, яъни “буюк тоғ тизмаларидан ўтиб олиши” деган маънода ишлатилган, шу сабабли муаллиф асар сюжети ва сарлавҳада боғлиқлик борлигини таъкидлайди, “бироқ аслида асар номи символик ибора бўлиб, қаҳрамонининг худбин, ўзига ишонган шахсдан бошқаларни куткариш мақсадида ўзини қурбон қилган инсон трансформацияси, транформациясини англатади.” Дарҳақиқат, асарни ўқиган киши Вальтер Бенъямин ички дунеси, психологиясидаги нарцисстик хусусиятларни ўз оиласидан узокроқ бўлиш учун уларни Англияга узатишида, солипсистик (фалсафий концепция, унга кўра инсон фақат ўз онгини мавжуд бўлган ягона ҳақиқат деб тан олади) хусусиятларни йигирма йилдан ортиқ вақт мобайнида кутубхонада якка ижод қилишида намоён бўлганлигини кузатиши мумкин. Бироқ холокастдан қочиш жараёнида у ўзиннинг бу салбий хусусиятлардан ҳам қочиб, юраги хасталиги сабаб оиласи ва дўстларига юқ бўлмаслик учун қурбон қиласади. Кўриниб турибдики, Жей Парини қаламига мансуб бу асарда инсон психикасидаги туб бурилишлар кўрсатилган, қаҳрамони таниқли файласуф бўлишига қарамасдан, салбий жиҳатлари баробарида унда оддий инсонга хос фазилатлар асардаги драматик зиддиятлар негизида шаклланиб, кескин бурилишлар содир бўлиши натижасида буюк қалб эгасига айланганини кўрсатишга эришган.

Парини ижодидан ўрин олган кейинги бадиий ва тарихий жиҳатдан ўзига хос “The Passages of H.M.” биографик романида америка ёзувчиси Ҳерман Мелвилл саргузаштлари тасвиранган.

Асар Ҳерман Мелвилл рафиқаси Лиззи номидан баён этилади. Ёзувчи Жей Парини Лиззи – узоқ вақтдан бери қийналиб, ҳаёт азобларига чидаб келаётган аёл – нуқтаи назарида

қариган, ғазабланган ва ичкилика берилган Ҳерман Мелвиллни баҳтсиз Нью-Йоркдаги үйида жанжал ва бузғунчиликларга сабаб бўлаётган шахс сифатида тасвирлайди. Баҳтсиз аёлга турмуш ўртоғи Мелвиллнинг ўнлаб йиллар олдин Тайпи ва Омоо оролларига саёҳати аллақачон ўтиб кетган эртакдек туюлар эди. (Мелвиллнинг “Typee: or A Peep at Polynesian Life” (1846), Omo: A Narrative of Adventures in the South seas (1847) асарлари назарда тутилган. Чунки бу асарлар Мелвилл саргузаштларига асосланган бўлиб ҳисобланади.[5]) Энди Ҳерман Мелвиллнинг буюк асари “Моби Дик” танқид остига олинган, ўқувчилар ҳам уни ўқимай қўйишган эди. Шу сабали Мелвилл кунларини Нью-Йорк докларини божхона инспектори сифатида томоша қилиш ва узининг баҳтсиз адабий тақдирини ўйлаш билан ўтказар эди. Аммо Мелвилл Наполеон даври урушлари даврида жасорат кўрсатган мафтункор бир йишилт саргузаштлари ҳақидаги янги буюк асар ғоясига берилган эди. Дарҳақиқат, Мелвилл биографиясида ушбу асар тўғрисида маълумот берилган. Бу Мелвилл тугаллашга улгурмаган “Billy Budd, Sailor” (“Билли Бад, денгизчи”) асари.

Асарда Лиззи баёни ва нуқтаи назаридан ташқари учинчи шахсада Мелвилл қизгин ҳаётини тасвирлаган ҳикоячини ҳам кузатиш мумкин. Учинчи шахсада баён этилган воқеалар силсиласига Ҳерман Мелвиллнинг жўшқин денгиз саёҳатлари, камбағаллашиб бораётган еш аристократнинг савдогар кемасидаги саргузаштлари, ёзувчининг Маркес оролларида канибаллар билан яшashi, романнавис сифатида танилиши, тақдир тақозоси билан бошқа америка ёзувчиси Натаниель Ҳосорнни учрашиши ва бир умрга дўслashiши, жисмоний таназзули ва адабий оламда унутилиши кабилар киради. Жей Парини бир вақтнинг ўзида дилкаш ва ақлдан озган, коинотнинг улкан кучлари билан ҳамоҳанг ва умидсиз, қайсар ва паришонхотир Мелвиллни яратади.

Кўриниб турибдики, асарда илгари сурилган ғоя ва фикрлар китобхонни шубҳасиз ўзига жалб қиласи ва сюжетдаги маълумотлар маълум биографик фактларга асосланган. Парини адабиёт титанининг онги ва руҳига кириб боради, бадиий адабиёт манбаларидан фойдаланиб, улкан одамни инсонпарвар қиласи ва унинг тенгсиз изход манбаларини ёритади.

Парини қаламига мансуб сўнгги “The Damascus Road: A Novel of Saint Paul” биографик роман диний мавзуда бўлиб, унда замонавий Туркияning Тарсус (қадимги Киликия) шаҳрида туғилган Апостол (Ҳаворий) Паул ҳаёти ва насроний қарашлари ўз бадиий ифодасини топган. Асардаги воқеалар силсиласи куйидагича “ипга тортилган”. Дастрраб Исо Масих таълимотини тарғиб қилганларга қарши қурашиб, уларни таъқиб қилиб борган Паул Дамашқ йўлида илоҳий ваҳийдан кўзлари кўр бўлиб қолгач, ўзи ҳам Исонинг таълимотига ишониб, эътиқод қилишни бошлайди. Ундан ҳам ортиқ, Паулнинг ўзи Исонинг эътиқодини тарқиб қилишни яхудийларга ҳам, яхудий бўлмаганларга ҳам вазъ қиласи, унинг таълимотига қизиқсан ҳар бир кишига нон синдириб бериб, тақдирлар эди. Лука уларнинг сафари ҳақида ёзиг боради. Романда тарихий муҳит жонли тасвирланган бўлиб, унда қадимги шаҳарларнинг гўзал манзаралари жонли ва ҳаққоний чизгиларда тилга олинган. Бадиий хронотоп муаллиф томонидан маҳорат билан яратилган. Қаҳрамоннинг ҳам географик, ҳам маънавий саёҳатлари ҳақида гап кетганда, муаллиф эпохал ўзгариш арафасида қадимги дунёнинг ёрқин панорамасини очиб беради.

“Романда тасвирланган Паул ва Лука бир-бирига ўта содик, улар Исо пайғамбар ўйтлари сабаб бутунлай ўзгарган инсонлар. Бироқ, асарда тарихий воқеалар талқини ва Паулнинг (тараихий прототип – Ф.Х.) қарашлари ҳаётдагидан бироз фарқ қиласи. Шундай бўлсада, асарда Исога иймон келтириш жараенининг қўп қиррали тадқики батафсил баён этилган. Паул ўқимишли, ва унинг қадимги файласуфлар таълимотини ўз таълимотига боғлаб баён этиши китобхон диккатини торта олади.” [6] – деб ёзади Ж. Линн Элс роман ҳақида.

Шундай қилиб, “Дамашқ йўли” биографик асарида баҳс-мунозараларга тўла шахснинг саёҳатлари тасвирланган бўлиб, Апостол Паулнинг ҳаётидаги зафарлари, қийинчиликлари ва у билан содир бўлган хавфли воқеалар эрамизнинг дастлабки даври хронотоп қилиб танланган асарда баен қилинган.

Жей Парини қаламига мансуб биографик романлар тадқики шуни кўрсатади, ёзувчи асарларда тарихий ҳақиқатни бадиий акс эттириш жараёнида кўпроқ тарихий фигуранинг шахсиятига, дунёкараши ва ички руҳий оламига ургу берган. Асарларда асосан полифоник тафаккур доминантлик қилиб, муаллиф ҳар бир персонаж нуқтаи назарини бош қаҳрамонга, воқеага йўналтириб, уларни ўз позициясидан туриб баҳо бера оладиган характерлар эгаси этиб шакллантирган. Асада танланган ҳар қандай мавзу ва ғоя марказий қаҳрамонни ёритишга қўмаклашган. Албатта, ҳар бир биографик романда кузатиладигани каби, Парини асарларида тарихий прототип ҳаёт йўли (тўлик/қисман) сюжет чизигини ташкил қилган. Биографик асарларда сюжет чизиги мумтоз адабиётда кузатилгани каби бир текисда ривожланмаган, балки хаотик, ретроспекция ва ички психологик кечинмалар билан бойитилган эпизодлар ва матнлар қоришимасидан ташкил топган.

Фойдаланилган адабиётлар рўйхати

1. Lackey M. The American Biographical Novel. Bloomsbury. – New York, 2016. P. 20-21
2. Lackey M. Truthful Conversations with American Biographical Novelists. Bloomsbury. – New York, 2014. – 207-208 р.
3. Хажиева Ф.М. Америка ёзувчиси Жей Паринининг “The Last Station” (“Сўнгги бекат”) биографик романи лейтмотивини шакллантиришда полифоник тафаккурнинг вазифаси. // УзМУ хабарлари. Мирзо Улугбек номидаги Ўзбекистон Миллий университети илмий журнали, 2020, – №6 – Б. 192-197
4. Хажиева Ф.М. The manifestation and the function of epistolary technique in the biographical novel “The Last Station” by Jay Parini. // Проблемы и достижения современной науки. Материалы VI международной научно-практической конференции. Уфа. 2019, С. 71-73. <https://www.elibrary.ru/item.asp?id=38540295>
5. Миргиязова М. М. (2017). Innovative technologies in teaching English. Молодой ученый, (25), 301-302.
6. Миргиязова, М. М. (2018). Использование информационных технологий в процессе оценки юридической терминологии Молодой ученый, (21), 481-483.
7. Миргиязова, М. М. (2018). The importance of teaching legal English. Молодой ученый, (32), 94-95.
8. Yusupov O.N. Cognitive semantics in context. Wschodnioeuropejskie Czasopismo Naukowe 7 (2), 84-87.
9. Юсупов О.Н. Ўзбек адабиётининг инглиз тилидаги таржималарининг лингвокогнитив тадқиқи. Сўз санъати халқаро журнали. 3 сон, 3 жилд. Б.102-105.
10. Юсупов О.Н. Анализ проблемы стиля в художественном переводе. The Way of Science, 94. 2014.
11. Юсупов О.Н. Специфика художественного перевода. Наука и Мир 2 (3), 170 - 172. 2014.
12. Mirzaakhmedova M.Yu. Approaches to science and education in the east and in the west. International journal of science and research (ISSN 2319-7067).
13. Zoyirova, D.A. (2018). Forming Discursive Competence of Law Students. Eastern European Scientific Journal, (6).
14. Zoyirova D.A. (2019). Effective teaching of the English language based on the communicative-cumulative method in the process of education using modern technologies. Сўз санъати халқаро журнали, 1(5).
15. Zoyirova D.A. (2019). features of translation from English to Russian. Экономика и социум, (10), 71-73.
16. Yuldashevna, M. M., & Abdijalilovna, Z. D. (2019). The impact of the East in Shakespeare's tragedies. Journal of Critical Reviews, 7(3), 2020.
17. Формирование интеллектуальной готовности старшего дошкольника к учебе в школе. // Балтийский гуманитарный журнал. – 2013. – № 3. – С. 5-7.